

Universitäts- und Landesbibliothek Tirol

Quaestiones Charitoneae

Gasda, August

Olesnae, 1860

Vita scriptoris

[urn:nbn:at:at-ubi:2-1759](#)

Vita scriptoris.

Natus sum Chronstaviae, vico prope Oppolium sito, in Silesia superiore patre Carolo, matre Carolotta e gente Rosiana, quorum ille mihi admodum puerο immatura morte ereptus est. Fidem profiteor evangelicam. Mater marito mortuo impetravit, ut me X. annos natum orphanotropheum Boleslaviense educandum exciperet; in quo quum alii praeceptores, tum prae ceteris nominandus Augustus Kunth olim quasi mihi pater, nunc amicissimus, me per annos quattuor foverunt atque instituerunt. Grata in aliam matrem voluntas in alumni corde semper manebit. — Peracto quarto decimo anno aetatis Gymnasium Oppoliense adii nunc quoque sub auspiciis viri praeclarissimi Dr. Augusti Stinner laetissime florens. In eo, quos nactus sum multos egregios praeceptores et in me semper benevolentissimos, eorum grato animo recordari nunquam desinam. Maturitatis testimonio munitus anno 1850 hanc almam Viadrinam adii, cuius civibus adscriptus quatuor per annos philologicis studiis toto me animo dedi. Scholis interfui quum Ambroschii, tum Schneideri et Haasii, virorum Ill., quorum benevolentia mihi contigit, ut inter seminarii regii sodales reciperer. Atque Haasius etiam alio nomine me sibi obstrinxit. Neque vero praeter philologicas alias litteras negligendas ratus scholis vacavi etiam philosophicis et historicis apud viros Ill. Braniss, Roepell, Rückert, Kahlert, Guhrauer. Tum Academia dilectissima reicta et examine pro facultate docendi feliciter superato benificio et opera Dr. Sheiberti, gymnasiorum Silesiacorum curatoris clarissimi, Palaeo-Sedini unum per annum seminarii paedagogici sodalis fui; unde in Silesiam reversus nunc in gymnasio Olesnensi doceo, collegis utor humanissimis mihiique amicissimis, me consolor Terentiano illo quoniam non potest id fieri, quod vis, id velis, quod possit.

